

predjeli iznad 1200 metara ostanu bez snježnog pokrivača.

Sa stanovišta osunčanosti može se reći da godišnji broj sunčanih dana, uzimajući u obzir pretpostavku da se sunčanim danom smatra onaj kada je više od 50% dnevnog vremena sunčano, iznosi od 130 do 170 dana.

Najveći broj otpada na ljetne mjesec, mada i u zimskim mjesecima nije mali. Poznavajući klimatskih karakteristika ovoga područja, kao i stalni posjetioci sportsko-rekreacionih centara, znaju da u hladnijem periodu godine sunca ima više na planinama, nego u kotlinama zbog temperaturnih inverzija.

Optimalna relativna vlažnost vazduha na planinskim padinama i rekreaciono-sportskim terenima, uz ostale klimatske povoljnosti, omogućavaju ugodan boravak, kako u zimskim tako i u ljetnim mjesecima.

Klimatske karakteristike u februaru na Olimpijskim borilištima

	Jahorina	Bjelašnica	Igman	Trebević	Sarajevo
Prosječna temperatura zraka °C	-4,2	-6,8	-4,6	-1,5	+0,4
Broj dana sa temperaturama nižim od 0°C	24	28	28	22	18
Broj sunčanih dana	7	7	8	8	8
Broj dana sa snježnim padavinama	13	10	8	10	10
Broj dana sa snježnim pokrivačem	28	28	28	27	26
Prosječna visina snijega u cm	105	135	122	80	11
Maksimalna visina snježnog pokrivača u cm	236	267	180	150	81
Prosječna temperatura snijega u °C	-3,8	-4,5	-4,1	-2,9	-1,4

Sarajevo

Sarajevo, domaćin XIV zimskih olimpijskih igara, glavni je grad Socijalističke Republike Bosne i Hercegovine, jedne od šest ravnopravnih republika u Socijalističkoj Federativnoj Republici Jugoslaviji. Nalazi se u središnjem dijelu BiH, dvadesetak kilometara istočno od geofizičkog središta Jugoslavije.

Grad je podignut u kotlini, na nadmorskim visinama od 518 do 683 metara. Okružen je planinama bogate flore i faune: Bjelašnica (2.067 m), Treskavica (2.088 m), Jahorina (1.913 m), Romanija (1.674 m), Ozren (1.452 m), Trebević (1.629 m). Klima: planinski tip kontinentalne klime, oštre zime i topla ljeta.

Prva ljudska nastamba na području na kome se danas prostire grad datira iz trećeg milenija prije nove ere. Krajem bronzanog doba u ove krajeve prodiru Iliri a početkom naše ere nastupa period vladavine Rimljana. U srednjem vijeku u istočnom dijelu današnjeg grada nalazi se naselje, sjedište župe, čije se ime Vrhbosna prvi put pominje 1244. godine. Dolaskom Turaka (1435. godine) počinje razvoj grada. Ime Sarajevo (turski: saraj - dvor) pominje se prvi put 1507. godine.

Ove krajeve okupirala je austrougarska vojska 1878. godine. Atentat Gavrila Principa, pripadnika revolucionarne organizacije »Mlada Bosna« na prijestolonasljednika Austrougarske Franju Ferdinanda, 28. juna 1914. godine, stavlja ovaj grad u žižu interesovanja svjetske javnosti. Nastupa period četvorigodišnjeg rata, zatim dvije decenije Kraljevine Jugoslavije, te četvorigodišnja narodnooslobodilačka borba.